

187. 187. 18

Xa  
3579

# Christliche Er- manungen!

Welche die Seelsorgere des  
Stiftes Naumburg

Bei dem Sacrament der Tauffe:  
Bei dem Sacrament des Altars:  
Bei der Verehlichung:  
Bei den Krancken:

gebrauchen sollen  
vnd mögen.

*M. Episcopi  
A. 1550.*



BIBLIOTHECA  
PONICKAVIANA

UNIVERSITÄTS-BIBLIOTHEK  
HALLE  
(SARLE)

Faint, illegible text, likely bleed-through from the reverse side of the page.

gebrüder  
und möge

Faint, illegible text, likely bleed-through from the reverse side of the page.

UNIVERSITÄTS-  
BIBLIOTHEK  
MAGDEBURG



# Christliche ermanung an die Bather / bey dem heili- gen Sacrament der Lauffe.

**I**n geliebten in Christo Ihe-  
su / Weil jr itzo allhie erscheinet / vnd bege-  
ret / das dis kind getaufft werde / So er-  
mane ich euch aus tragendem meinem  
Ampte / vnd aus Christlicher trew vnd  
verwandtnus / Das jr erwegen vñ bedenccken wöl-  
let / das treffliche werck Gottes / vnd den grossen  
ernst / welcher darinnen ist / vnd volbracht wirdet.  
Dann nach dem der HERR Christus selber bezeu-  
get / das niemand selig werden kan / Er sey dann  
durch das Wasser vnd Geist new geboren / gibt er  
zunorstehen / das dis kindt gleich andern / so von  
Mutter leibe geboren / ein kind des zorns / der sun-  
den / vnd vngnade vnderworffen / vnd also vnder  
der gewalt des Teuffels sey. Derhalb ist hoch von  
nöten / das dis kind zu einer newen Creatur durch  
das Sacrament der heiligen Lauffe wider gebo-  
ren / vnd also von der Tyranny des Teuffels / vnd  
vorstrickung der Sünde / des Todes / vnd der Hel-  
len erlediget / vnd ein kind vnd Erbe Gottes / nach  
der hoffnung des ewigen lebens / gemacht werde.

A ij Weil

Weil dann das Sacrament der Tauffe diese  
heilwertige / vnd zum heil notdürfftige fruchte  
bringet / hat der HERR Christus seinen lieben A=  
posteln / vnd allen iren nachkommenden / beuolhen  
vnd gebotten / das sie alle Völcker tauffen solten /  
im Namen des Vatters / vnd des Sons / vnd des  
heiligen Geists. Wie ich dann / als der vnwürdige  
Diener Gottes / vnd seiner heiligen Kirche dis Kind  
tauffen will. Dabey jr vornemen sollet / das dis  
Kind aus krafft / macht vnd gewalt Gottes / des  
Vaters / vnd des Sons / vnd des heiligen Geists /  
der angeborenen Erbsunden / vnd sonst aller von  
ime begangenen Sünden / erledigt / abgewaschen /  
vñ also gantz vnd gar mit Gott versünet / mit dem  
heiligen Geist reichlich begabet / vnd Gottes Kindt  
vnd eigenthumb wirdet / der da ist der Vater / der  
Son / vnd der heilige Geist. In welchs schutz vnd  
schirm itzo dis Kindt tritt / sagt dem Teuffel abe /  
vnd allen seinen wercken / vnd verbindet sich mit  
Gott / sagt zu vnd gelobet festiglich / das es Gott  
ritterlich dienen will / Wie dann solchs volgend  
mit gar viel schönen vnd krefftigen Worten vñ Ce=  
remonien bedeutet wirdet. Solchs alles wollet  
wol bewegen / ewere hertzen in Himel erheben / vnd  
den Vater aller gnaden / trosts / vnd barmhertzig=  
keit / mit steiffem glauben vnd zuvorsicht bitten /  
das er dis alles inn diesem Kinde / durch seinen lie=  
ben Son vnsern Herrn Ihesum Christum / vnd  
den heiligen Geist / krefftiglich volbringen / vnd er=  
halten wölle / Wie ich vmb solchs alles auch / als  
ein Diener Gottes vnd seiner Kirchen / aus verord=  
ung

nung derselben thun will. Der Herr Gott sey mit  
vns allen / zu ewigen zeiten / Amen.

Ermanung zu denen / welche das  
Hochwirdige Sacrament  
des Altars entpfah-  
hen wollen.

**I**n geliebten in Christo / Weil  
ir allhie erscheinet / das heilig Sacrament  
des Leibs vñ Bluts Christi zuentpfahen /  
Damit ir nu dieser köstlichen vnd Himlischen Spei-  
se nicht vnwürdiglich zum Gerichte / Sondern mit  
rechtem glauben / vnd Christlicher andacht / zu  
ewerer Seelen heil vnd Seligkeit / geniessen möget /  
So wil euch vor allen dingen von nöten sein / war-  
hafftiglich zu glauben / Das vnder der sichtbarn  
gestalt dis heilwertigen Sacraments / welchs  
man euch itzo raichen vnd geben wirdet / vnser  
HEXV vnd Heyland Ihesus Christus / vnd sein  
allerheiligst Fleisch vnd Blut warhafftiglich / we-  
sentlich vnd volkömlich da sey / vnd das er vns sol-  
chen hohen schatz itzberurter geistlichen Speise /  
darumb alhie auff Erden gelassen habe.

Erstlich / das wir ime / dem Herrn Christo /  
durch diese Speise vnser hails / innerlich mögen  
A iij            eingeleibt

eingeleibt werden / auff das wir in ime bleiben vnd leben / vnd er widerumb in vns. Wir auch fort mehr seine gliedere / vnd er vnser heupt sey / vnd wir als die vorleibten gliedere in Christo / nicht vns / sondern ime / welcher vor vns gestorben / leben / vnd in vnserm glauben / hoffnung / liebe / vnd in allen geistlichen gütern / zunemen mögen.

Zum andern / Das wir durch diese heilige Speise vnd Communion allen lieben Heiligen / welche gliedmassen des geistlichen Leibs Christi seind / zugesellet werden. Dann wir seind alle ein Leib vnd ein Brot / die wir alle eins Brots theilhaftig seind / sagt der heilige Paulus. Welchs dahin dienet / das wir in Brüderlicher liebe gegen vnserm Nehesten erhalten / vnd so lang wir in solcher gemeinschaft bleiben / inn Christo / welcher derselben gemeinschaft haupt ist / bleiben mögen.

Weil jr nun solch heilig Sacrament des leibs vnd bluts Christi entpfahen wollet / habt jr der erzelten Gotts gaben vnd begnadungen / durch dis Sacrament zugewarten / nach verträftung der heiligen Schrift.

Desto mehr wil euch gebüren / Das jr solches es nicht vnwürdiglich entpfahet / Sondern nach gehabter warer reuhe vnd laid vber ewere begangene Sünde / vñ nach gethaner Beichte / auch entpfangener Absolution vnd losszelung von solchen Sünden / beneben einem guten vnd Christlichen vortsatze /

vorsatze / die Sünde hinfürder zu meiden / sollet jr obgemelter gnaden hertzlich begeren / vnd mit rechter demut / glauben vnd vortrawen / dis Sacrament entpfahen.

Ihr sollet auch bey diesem Sacrament vnd tröstlichem schatze / des HEIN Christi eindenck sein / Nemlich / das er fur euch vnd vns alle / sein thewers Blut vergossen / vnserer Sünde halber gestorben / vnd zu vnserer Rechtfertigung auffgestanden / auch euch vnd vns von Sünden / Tode vnd Helle gnediglich erlöset / vnd den zutrit zum ewigen leben erworben habe. Vnd sollet ime darumb mit hertzen vnd munde danck sagen / ime loben vñ preisen.

Beuelhet euch nun der barmhertzigkeit Gottes / vnd den herrlichsten verdiensten Christi / vnd spreche ein jeder bey sich selbst / Vater vnser etc.

Vnd gehet her mit oberzelter Christlicher demut / begirde / andacht / glauben vnd vortrawen / zu entpfahen die gabe vnserer Erlösung / das pfand des ewigen lebens / vnd das vnbesleckte Lamb vnsern Herrn Ihesum Christum.

Der Barmhertzig Gott vnd Vater vnser Herr Ihesu Christi / wölle hirtzu seinen Göttlichen segnen / vnd gnade vorleihen / Amen.

Erma

Ermanung zu Brewtigam vnd  
Brawt / welche zur Ehe  
greiffen wollen.

**I**r geliebten in Christo / Weil  
ir beide begeret zur heiligē Ehe zugreiffen/  
sollet ir solches nit anders dann in Gotts Namen  
furnemen / vnd vor allen dingen betrachten / Das  
die heilige Ehe von Gott selber im Paradeis einge-  
setzt / vnd von vnserm HERRN Christo allhie auff  
Erdtreich geehret. Desto weniger sollet ir dis  
werck zu einicher leichtfertigkeit missbrauchen/  
Sondern aus keinen andern vrsachen / dan denen/  
so in der heiligen Schrift durch den geist Gottes  
vns vorgehalten / in den Ehelichen stand treten.

Nemlich vnd zum Ersten / Das ir Kinder mit  
einander zeugen / vnd die inn rechter Gotts forcht  
auffziehen möget / Dann es stehet geschrieben/  
Gott schuf den Menschen zu seinem selbst Eben-  
bilde / ein Menlin vnd Frewlin schueffe er sie / vnd  
Gott segnet sie / vnd sprach zu inen / Seid frucht-  
bar / vnd mehret euch / vnd füllet die Erden.

Zum Andern / Das ein Man sein Eheweib  
habe / vnd hinwider ein Weib iren Eheman / vn-  
keuscheit zuormiden. Dann welche vnkeuscheit  
auffer-



ausserhalb der Ehe geübet wirdet / die verhasst  
Gott / wie die ernstlichen Gebot vnd Exempel der  
Schriftt ausweisen. Aber in der Ehe / weil die von  
Gott selber geordnet / vnd gebenedeyet / werden die  
Ehelichen pflicht den Eheleuten zur sünde vnd vn-  
zucht nit zugerechnet. Darumb dann die Schrift  
solche beywohnung vnd Ehe ehrlich / vnd der Ehe-  
leut Bette vnbesfleckt nennet.

Zum dritten / Das die Ehe eine vnzertrenliche  
gesellschaft des lebens / vnd eine solche verknüpf-  
fung / vnd zusammenfügung sey / das Man vñ Weib  
inn keiner not einander lassen / Sondern mit son-  
dern trewen vnd lieben einander die zeit ires lebens  
meinen / vnd sich zusammen halten sollen / Dann  
welche Gott zusammen gefüget hat / solle der Men-  
sch nicht von einander sonderen / spricht vnser  
HERR Christus selber. Darumb seind sie zwey in  
einem fleisch / vermöge der Schrift. Dann wie der  
Apostel solchs weiter erkleret / so eigenet der Man  
seinen leib dem Weibe / vnd hinwider das Weib  
iren leib dem Manne. Darumb sollen wir diese ge-  
sellschaft zwischen dem Eheman vnd Eheweib  
vor die vornemlichsten achten. Dann wie Gott im  
buch der Schöpfung saget / So wirdet der Men-  
sch Vater vnd Mutter verlassen / vnd seinem Weibe  
anhangen.

Dies seind die rechten heubtvrsachen / dar-  
umb der Ehelich Standt eingesatzt / auch zwisch-  
en Manne vnd Weibe gehalten sol werden. Vnd  
wiewol


wiewol solcher bey den alten / neben der vorrück-  
ten vnd vorderbten natur auch inn zurrüttung ge-  
sätzt / So hat ine doch Christus durch seine gnade  
wie andere ding mehe / widerumb zu recht gebra-  
cht / also das die Ehe bey den Christen durch die  
vorleihung Gottes freuntlichen / vnd in vnzertren-  
tem wesen leichter vnd besser kan vnd sol gehalten  
werden / dann sie bey den alten Jüden vnd Heiden  
je gehalten worden. Desto weniger sie auch außser-  
halb dero vrsachen / welche Christus vnd die Apo-  
steln selber ausgedruckt / gesondert oder auffgetren-  
net sol werden / wie der HERR Christus selber be-  
wilhet. Daher ist auch die Ehe ein Sacrament in  
Christo / vnd der Kirchen / nach inhalt Apostoli-  
scher schrift. Dann wie Christus von seiner Kir-  
chen / vnd sie von ime / als sein gespons / zu keiner  
seit gesundert wirdet / also sol vnd kan der Man sei-  
nem Eheweibe / vnd hinwider das Eheweib dem  
Manne / inn vnzertrenter auch freuntlicher gesel-  
schafft des lebens anhangen / so lange sie leben / vñ  
durch iren natürlichen todt nit gescheiden werden.  
Vnd damit ich mit den Worten des heiligen Pauli  
schliesse / so sollen die Mennere ire Weiber also lieb  
haben / als ire eigene leibe / Wer sein Weib liebet /  
der liebet sich selber / Die Weiber aber sollen vnder-  
than sein iren Mennern.

Solche gestalt hat es vmb eine rechte Christ-  
liche Ehe. Fasset nun in ewerm glauben diese meyn-  
ung / vnd seid der eindencck / mit tröstlicher zuvor-  
sicht / das euch Gott der Herr zu ewerm Ehelich-  
en leben

en leben seinen Segen gerne würdet mittheilen/das  
durch jr inn ehelicher trew vnd liebe beyeinander  
verharren / vnd hinfurder Gottselig in der forchte  
Gottes/vnd inn allem guten ewer leben führen/vnd  
hinbringen möget.

Auff das jr nun die Segen vnd Benedeyun-  
gen / welche Gott allen heiligen Eheleuten vorlye-  
gen/vnd von welchen der Geist Gottes in der heilt-  
gen Schrift meldung thuet / bekommen möget/  
So will ich den HERN anrufen/vnd die Gott-  
seligen Gebete der gemeinen Christlichen Kir-  
chen vber euch sprechen / Desgleichen  
sollet jr Gott mit glaubigem vn̄ an-  
dechtigem hertzen vnd munde  
auch anrufen/vnd sprech-  
en/Vater vnser/etc.

B ij Wie



Wie vnd welcher gestalt die Seel,  
sorgere die Krancken erma-  
nen / vnd crösten sollen.

**B**liebter inn Christo / Weil  
euch vnser H E X X Gott mit schwachheit  
ewers leibs heimsucht / Solt jr solches nit mit vn-  
gedult auffnehmen / Sondern euch seinem Göttli-  
chen willen gantz vnd gar vndergeben / vnd betra-  
chten / das solche schwachheit ein vordienter lohn  
der Sünde ist. Dann wo wir inn Sünden nicht  
entpfangen noch geboren / vnd die mit vns aus  
Mutter leibe nit gebracht hetten / oder sonsten one  
sunde geblieben weren / So würden wir mit solch-  
er leibs beschwerung / auch endtlich mit dem To-  
de / nit beladen.

Vnd wiewol sich vnser schwache natur vor  
den Kranckheiten vnd tode etwas entsetzt / So  
haben wir gleichwol inn Christo Ihesu vnserm  
H E X X den herrlichen trost / das ein jeder / wel-  
cher sich von seinen sunden abwendet / vnd zu Gott  
bekeret / bey dem Himlischen Vatter gnade vnd  
barmhertzigkeit findet / entzwar zu erlengerung  
seines zeitlichen lebens / wie dem König Ezechia  
geschach / oder aber zu abhelffung aller zeitlichen  
beschwerung / vñ zuerlangung des ewigen lebens.

Dann

Dann der H E X X thut diese vertröstung selber /  
Ich bin die Auferstehung / vnd das Leben / Wer  
an mich gleubt / ob er gleich sterben wirdet / so  
wirdet er doch leben / Vnd ein jeder welcher lebet /  
vnd gleubt in mich / wirdet nit sterben in ewigkeit.  
Dann also hat Gott die Welt geliebet / das er sei-  
nen einigen Sone vor vns dargegeben hat / auff  
das ein jeder / welcher in ine gleubt / nit vorderbe /  
sondern habe das ewige leben.

Weil nun der Son Gottes vns Menschen sol-  
che vertröstung selber thuet / vnd vns der ewigen  
seligkeit durch sein heilwertig wort vorgwiesset /  
sol sich niemands seins leibs bschwerung / auch  
den Tod / mehe erschrecken / dann die gethane zusa-  
gen zur lebendigen hoffnung auffrichten / vnd trö-  
sten lassen / Zu förderst weil es gar ein gering ding  
ist / vmb das zergengliche guth / so wir alhie auff  
Erdrich vorlassen / gegen deme / das wir inn jener  
Welt erlangen / vnd ewiglich besitzen mögen. Al-  
hie mögen wir durch die gnade Gott erkennen /  
vnd den Heyland der Welt / vnsern H E X X N Chri-  
stum / durch vnsern glauben fassen / aber doch nit  
volkömlich / sondern allein zum theil / vnd etwas  
verborgener weise / Dort aber werden wir vnsern  
Herrn Gott sehen / wie er ist. Alhie mögen wir  
durch die gnade Gotts des heiligen Geists / vnsern  
bösen begirden widerstehen / aber doch die der-  
massen nit dempffen / das sie dem guten Geiste inn  
vns nit widerstreben. Daraus dann erfolget / das  
auch der ernewerte Mensch mit allerley mengeln  
B iij beladen /

beladen / vnd lebet alhie ohne sünde nit / kan auch  
durch sein mutwillig Fleisch vnd den bösen Geist/  
von Gott abgefurt werden / Aber dort / vnd im  
ewigen Vaterland / werden wir wol vnd seliglich  
leben / vnd vnserm Herrn Christo / ohne einichen  
mangel / gebrechen vnd sünde / zu ewigen zeiten an-  
hängen. Alhie / vnd in diesem zergenglichen leben /  
können wir die gantze volkommenheit der gerech-  
tigkeit nit bekommen / Aber dort werden wir  
gantz volkommen werden / vnd Gott auff's aller  
volkömlichste lieben. Dann Gott wirdet do sein  
alle ding in allen. Dann weil wir seine Göttliche  
Majestat / als vnser höchstes guth / alda haben /  
vnd seiner zur ewigen seligkeit reichlich geniessen /  
werden / wir ine zum höchsten lieben / vnd inn kei-  
nem andern vns belüftigen / dann in Gott / vnd vn-  
serm Herrn Ihesu Christo. Alhie mag der Men-  
sch ein zeitlang inn frischer gesundheit leben / vnd  
sich der zeitlichen freude genyeten / aber gleichwol  
hat solchs keinen bestandt / Sondern wirdet mit  
viel trübsal / auch mit hunger / dorst / mit frost /  
vnd der hitze / mit schmertz des leibs / vnd traw-  
rigkeit des gemüts vormengt / Dort aber werden  
wir aller oberzelter gebrechlichkeit ledig sein / vnd  
dero zu ewigen zeiten frey stehen.

In summa / alhie in diesem Jamerthal seind  
wir leidlich vnd sterblich / stößt vns auch allerley  
not / widerwertigkeit / vñ betrübnis vnder augen /  
Aber dort im ewigen Vaterland werden wir das  
ewige leben / neben der vnzergenglichen seligkeit /  
vnd

vnd dertelben freude/ besitzen. Vnd werden ge-  
gen dem/ das wir alhie vorlassen/ eine solche vber-  
aus selige vnd ewige wolffart/ vnd glori erlangen/  
die aller Menschen gedanken vnd synn vbertrifft/  
Dann die dinge so Gott vnser HERR denen / wel-  
che ine lieben / vorbereitet / hat / kein Menschlich  
auge jemals gesehen/ oder ohr jemals gehört/ In-  
massen der heilige Paulus sagt. Darumb hat es  
vmb vns/ so lang wir alhie leben/ diese gestalt/ das  
wir alhie gleich als die Wanderleute keine bleiben-  
de stelle haben/ wie Sanct Paul schreibt / sondern  
müssen vnd sollen fort. So nun solch vnser armse-  
ligs wandern zum ende laufft / sollen wir vns des  
je mehe erfreuen / dann darob entsetzen / Zufor-  
derst weil wir dadurch zum ewigen Vatterland/  
dahin wir gehören / do wir auch die ewige ruhe  
vnd freude finden werden/ zunahen. Vnd mögen  
wol mit dem lieben Paulo begeren auffgelöset zu  
sein / damit wir auff itzt angezeigten falth bey vn-  
serm Herrn vnd Heiland Christo sein / vnd ewig-  
lich bleiben mögen. Vnd ob einem gleich die son-  
derung der Seelen von dem Leibe schwer vnd sch-  
mertzlich vorfelle / wie dann vnser blöde Natur  
dafur schewet / Sol er doch vielmehe sich erfreuen  
der zukünfftigen aufferstehung des Fleisches / dan  
ob diesem zeitlichen abschide sich bekömmern. An-  
gesehen das Leib vnd Seele inn ein viel besser wesen  
wider zusammen kommen/ vnd ewig in aller wun-  
freude / vnd seligkeit beyeinander bleiben werden.  
Dann wie der heilig Paulus schreibet / So wirdet  
vnser Leib gesahet in der zergenglichkeit / vnd wir-

6113

B iij det

det aufferstehen in der vnzergenglichkeit / Er wirdet  
det gesahet in der verachtung / vnd wirdet auffers  
stehen in der glori / Er wirdet gesahet in der scha  
wacheit / vnd wirdet aufferstehen in der krafft.

Nun lieber Freundt / weil dem allem also / sol  
let jr Gott dem Herrn gantz vnd gutwilliglich an  
heim stellen / wie ers mit euch machen wil / Ob er  
euch noch lenger alhie haben wolle / oder nit. Vnd  
do er euch ewer leben noch lenger alhie fristen wil /  
So beuelhet euch seiner Göttlichen Barmhertzig  
keit / das jr zu seinem lobe / vnd ewerer Seelen heyl /  
solch ewer leben alhie volbringen möget. Do er  
aber euch itzo von hinnen aus dieser elenden Welt  
abfordern wil / so nemet es lieber an / vnd bedenck  
weil der Herr euch durch die heilige Tauffe in sei  
nen schutz / schirm / auch in seinen allerniedrigsten  
vnd Väterlichsten beuelch genommen / Desglei  
chen weil er einen Bundt mit euch gleich allen an  
dern / die in Christo durch angezeigte Tauffe wider  
geboren / vnd seine Kinder worden / gemacht / das  
er euch nit lassen / sondern zum Erbe der ewigen sel  
ligkeit befurdern wolle / Des habt jr euch nun hö  
chlich zugetrösten. Dann zubekrefftigung dieses  
heilwertigen Bunds / hat er vns durch seinen lie  
ben Son vnsern Herrn Ihesum Christum zuge  
sagt / Das ein jeder / welcher glaubt vnd getaufft  
wirdet / selig werden solle. O der grossen Barm  
hertzigkeit Gottes / O der grossen gnade / O der  
grossen milde.

Darumb




Darumb sollet jr euch von dem zeitlichen vnd vorgenglichem dieser Welt abwenden / euch ewere begangene Sünde lassen layd sein / vnd euch vor Gott dem HERRN demütigen / seiner gnade vnd Barmhertzigkeit begeren / vnd sprechen / HERR bis mir armen Sünder gnedig. Vnd erhebet daneben ewer hertz vnd gemüte in Himel / begeret der ewigen vnzerhenglichen seligkeit / Stellet ewern glauben / vertrauen vnd hoffnung / in die versprochene Barmhertzigkeit / vñ das thewre Blute vnser HERRN Ihesu Christi. Dann der hat sich vor vns inn todt dargegeben / auff das wir durch ine das ewig leben erlangen mögen. Vnd also hat er euch vnd alle durch seinen heiligen mund vertroestet / Gleich wie Moises die Schlang inn der Wüstung erhöhet hat / also müste Er Christus erhöhet werden / am stamme des Creutzes / das ein jeder / welcher in inen glube / nit vorderbe / sondern habe das ewige leben. Auff diesen schönen trost / welchen der Son Gottes selber thuet / habt jr euch / lieber freunt / zustewern / vnd sollet euch nichts abschrecken noch abfüren lassen.

Beuelhet nun ewere Seele mit glaubigem vnd vertrauendem gemüte vnd hertzen inn die hende Gotts / der sie zum ewigen leben / vmb seines lieben Sons willen / bewaren vnd fördern kan / vnd wil. Solchs verleihe euch Gott der Vater / Gott der Son / vnd Gott der heilige Geist / AMEN.

Gedruckt zu Erfurde/durch  
Adelchior Sackssen/In  
der Archen Noe.

AD. CCCCC. L.






Na 3579 ~~17~~

X 2207203

m.c.



18

Xa  
3579


# Christliche Er- bauungen!

Seelsorgere des  
Raumburg

ament der Lauffe:  
ament des Altars:  
ichtung:  
ken:

ichen sollen  
mögen.

*Julii Episcopi  
A. 1550.*



BIBLIOTHECA  
SACRA  
MAGNANIMA  
ELECTORIS  
SAXONIAE  
PALATINUS  
SACRAVIANA

UNIVERSITÄTS-BIBLIOTHEK  
HALLE  
(SARLE)

